

# Estatutos da Asociación de Persoas con Discapacidade Vontade

ANO 2015.-

## INDICE

PREÁMBULO .....	5
 <b>CAPÍTULO I - DA ASOCIACIÓN</b>	
Artigo 1. Denominación .....	6
Artigo 2. Personalidade .....	6
Artigo 3. Domicilio .....	7
Artigo 4. Duración e ámbito .....	7
Artigo 5. Misión .....	8
Artigo 6. Principios e valores .....	8
Artigo 7. Fins .....	9-10
Artigo 8. Medios .....	10-11-12
 <b>CAPÍTULO II – DOS/AS SOCIOS/AS</b>	
Artigo 9. Socios/as .....	12
Artigo 10. Tipos de socios/as.....	12-13
Artigo 11. Socios/as de Honra e colaboradores/as.....	13-14
Artigo 12. Ingresos e baixas .....	14
Artigo 13. Procedemento de admisión .....	14
Artigo 14. Documentos de admisión .....	15
Artigo 15. Números de socios/as .....	15
Artigo 16. Deberes .....	16

Artigo 17. Dereitos .....	17-18
Artigo 18. Réxime disciplinario .....	18
Artigo 19. Perda da condición de socio/a.....	18-19

### **CAPÍTULO III – DOS ÓRGANOS DE GOBERNO**

Artigo 20. Órganos de Goberno .....	19
Artigo 21. Asemblea Xeral .....	20
Artigo 22. Delegación .....	20
Artigo 23. Participación na Asemblea .....	20-21
Artigo 24. Funcións da Asemblea Xeral .....	21-22
Artigo 25. Clases de asemblea e a súa convocatoria.....	22-23
Artigo 26. Acordos da asemblea xeral .....	23-24
Artigo 27. Xunta Directiva .....	24-25
Artigo 28. Duración da Xunta Directiva.....	25-26
Artigo 29. Elección da Xunta Directiva .....	26-27
Artigo 30. Funcións da Xunta Directiva .....	27-28
Artigo 31. Funcionamento da Xunta Directiva .....	28-29
Artigo 32. Comisión Permanente .....	29
Artigo 33. Comisión de Ética .....	30
Artigo 34. Presidente/a .....	30-31
Artigo 35. Vicepresidente /a .....	32
Artigo 36. Secretario/a .....	32-33
Artigo 37. Tesoureiro/a .....	33-34

Artigo 38. Vocais .....	35
-------------------------	----

#### **CAPITULO IV – DA IMPUGNACIÓN DOS ACORDOS SOCIAIS**

Artigo 39. Impugnacións .....	35-36
-------------------------------	-------

Artigo 40. Recursos .....	36
---------------------------	----

#### **CAPÍTULO V – DO RÉXIME ECONÓMICO E FINANCEIRO**

Artigo 41. Recursos económicos .....	36-37
--------------------------------------	-------

Artigo 42. Cotas .....	37
------------------------	----

Artigo 43. Pago de cotas .....	38
--------------------------------	----

Artigo 44. Orzamento .....	38
----------------------------	----

#### **CAPÍTULO VI – DA MODIFICACIÓN DE ESTATUTOS**

Artigo 45. Procedemento de modificación .....	39
---	----

#### **CAPÍTULO VII – DA DISOLUCIÓN E LIQUIDACIÓN**

Artigo 46. Disolución .....	39-40
-----------------------------	-------

Artigo 47. Comisión liquidadora .....	40
---------------------------------------	----

Artigo 48. Asemblea Xeral no período de liquidación.....	40
--	----

Artigo 49. Destino dos bens resultantes .....	41
---	----

## PREÁMBULO

En Abril do 2003 un grupo de persoas da comarca do Baixo Miño deciden convocar unha serie de reunións cós servizos sociais dos concellos e con outras entidades implicadas no eido das discapacidades, CoGaMi ( Confederación Galega de persoas con discapacidade), FAMFIP ( Federación de Minusválidos Físicos da Provincia de Pontevedra) coa intención de crear unha asociación de persoas con discapacidade física na comarca do Baixo Miño. Estas reunións desembocan na convocatoria de encontros con distintos grupos de afectados/as da comarca, e a posta en común da idea inicial; concretándose así a redacción de estatutos, a búsqueda de local social, a convocatoria da asemblea constituinte e que dá paso definitivo a creación da asociación Vontade.

Vontade nace por tanto, como a plasmación da "vontade" común dun grupo de persoas que comparten similares problemáticas dentro dunha comarca e que queren contribuír activamente na resolución das mesmas.

Para acadar este fin, pártese dunha filosofía básica: Traballar e colaborar con todo tipo de persoas físicas, xurídicas, organizacións sociais e cás distintas administracións, para desenvolver todo tipo de proxectos na procura dunha total integración do noso colectivo ante o baleiro asociativo existente na zona de residencia.

## CAPÍTULO I

### DA ASOCIACIÓN

#### Artigo 1

##### Denominación

Procedese a modifica-los estatutos da asociación denominada "ASOCIACION DE PERSOAS CON DISCAPACIDADE VONTADE" con número de inscrición nº2003/006863-1 no Rexistro provincial de Pontevedra, de asociacións sen ánimo de lucro e con CIF. G-36.452.837. Ó amparo do artigo 22 da Constitución, polo establecido na Lei Orgánica 1/2002, do 22 de marzo, reguladora do Dereito de Asociación e pola demais lexislación existente en materia de Asociacións que lle sexa aplicable, así como polo previsto nos presentes estatutos, rexerese a entidade denominada Asociación de persoas con discapacidade Vontade e a súa imaxe corporativa será aprobada ou modificada pola asemblea a proposta da Xunta Directiva.

Vontade é o resultado da libre vontade dos/as seus socios e socias, ostentando a súa representación no ámbito comarcal.

#### Artigo 2

##### Personalidade

Vontade ten personalidade xurídica propia e independente da dos/a seus socios e socias, e conforme ó artigo 35 e seguinte do Código Civil goza de plena capacidade para ser suxeito de dereitos e obrigas nos termos previstos nestes Estatutos e nas leis.

### **Artigo 3**

#### Domicilio

O enderezo social de Vontade, a efectos legais, queda establecido no Municipio de Tomiño, Barrio da Rocha nº 19 B, C.P. 36740 Tomiño, Pontevedra.

Pode ser trasladado a outro lugar por acordo da Xunta Directiva, que poderá decidir así mesmo a apertura de delegacións noutras localidades dentro do seu ámbito de actuacións, e de cantos lugares considere adecuados para o normal desenvolvemento de Vontade. O traslado definitivo do domicilio social requirirá a ratificación da Asemblea Xeral.

### **Artigo 4**

#### Duración e ámbito

Vontade, constitúese por tempo indefinido, agás causa legal ou estatutaria de disolución.

O ámbito territorial de Vontade é intercomarcal, partindo da comarca de referencia que é o Baixo Miño (A Guarda, Oia, O Rosal, Tomiño, Tui) e estendéndose ata a Area Intermunicipal de Vigo (Soutomaior, Redondela, Fornelos de Montes, Pazos de Borbén, Mos, O Porriño, Salvatierra de Miño, Salceda Caselas, Vigo, Nigran, Gondomar e Baiona) nembargantes, previo acordo coas entidades de ámbito superior das que é membro, poderá modifica-lo mesmo, en atención ás necesidades do colectivo de persoas con discapacidade.

Ademais poderá pertencer e actuar con outras organizacións de ámbito comarcal, provincial, autonómico, estatal e internacional.

## Artigo 5

### Misión

É misión de Vontade PROMOVER E COORDINA-LA defensa dos dereitos das persoas con discapacidade cara á súa plena integración.

## Artigo 6

### Principios e valores

*Vontade defínese como unha entidade que carece expresamente de ánimo de lucro, independente e libre, aconfesional, apartidista, non governamental, de carácter voluntario, e poderá solicita-la súa declaración de Utilidade Pública.*

*Vontade basea a súa actuación nos seguintes principios e valores:*

- Democracia interna.
- Solidariedade entre os membros.
- Transparencia na xestión e actuación da entidade e os/as seus socios/as.
- Defensa das necesidades sociais por encima de intereses particulares.
- Desbotar protagonismos e actitudes competitivas.
- A defensa do colectivo como titulares de dereitos evitando as mensaxes sentimentalistas e asistenciais.



## Artigo 7

### Fins

*Os fins principais de Vontade son:*

1. Defende-la dignidade e os dereitos das persoas con discapacidade.
2. Promove-la plena integración escolar, laboral e social das persoas con discapacidade.
3. Crea-las condicións para que os/as socios/as. poidan cumprir axeitadamente a misión.
4. Promover actitudes sociais positivas cara a persoa con discapacidade.
5. Promove-la lexislación axeitada que mellore a situación do colectivo.
6. Participar na Orientación, coordinación e impulso do Movemento Asociativo no que estea integrado Vontade con criterios de solidariedade.
7. Reunir e difundir información xeral e especializada sobre os problemas da discapacidade.
8. Representa-los seus socios/as. no ámbito local, provincial, autonómico, estatal e internacional
9. Desenvolver estratexias solidarias para que se poidan acadar equilibrios interterritoriais en calidade e servizos.
10. Desenvolver programas e actividades, dentro da propia discapacidade, dirixidos especificamente á atención da muller.
11. Desenvolver programas e actividades, dentro da propia discapacidade, dirixidos especificamente á atención da infancia e á xuventude.
12. Desenvolver programas e actividades, dentro da propia discapacidade, dirixidos especificamente á atención das persoas maiores.

13. Desenvolver programas e actividades, dentro da propia discapacidade, dirixidos especificamente a calquera outro colectivo en risco de exclusión social.
14. Desenvolver programas e actividades relacionados co fomento e participación do Voluntariado Social.
15. Promover e poñer en funcionamento todo tipo de iniciativas deportivas para persoas con discapacidade, priorizando aquelas que impulsen o deporte de base.
16. Promover e poñer en funcionamento todo tipo de iniciativas culturais, educativos e de lecer orientadas ás persoas con discapacidade.
17. Promover e poñer en funcionamento todo tipo de programas de cooperación e desenvolvemento no exterior dirixidos ás persoas con discapacidade ou en risco de exclusión social.

Calquera outro que, de xeito directo ou indirecto, poida contribuír ó cumprimento da misión de Vontade ou redundar no beneficio das persoas con discapacidade.

## **Artigo 8**

### Medios

Para o cumprimento da misión e dos fins, Vontade poderá:

- a) Organiza-los servizos necesarios de investigación, estudo, programación, información, asistencia técnica, xestión especializada e outros equivalentes que as circunstancias aconsellen, así como actividades, cursos e seminarios sobre diversos aspectos da discapacidade.

- b) Promover, facilitar ou utilizar tódolos medios lícitos de información, formación e difusión para dar a coñece-los problemas das persoas con discapacidade e o seu entorno.
- c) Incorporarse a federacións, confederacións, asociacións, entidades e organismos de carácter provincial, autonómico, estatal ou internacional que poidan ser de utilidade para acada-los fins de Vontade
- d) Establecer un sistema coherente na estruturación do Movemento Asociativo.
- e) Promove-lo Voluntariado e a súa formación para o cumprimento dos seus fins sociais.
- f) Desenvolver actividades e iniciativas, dentro do marco legal, que permita o sostemento económico do Movemento Asociativo.
- g) A integración, creación e promoción de centros educativos, ocupacionais, profesionais, residencias, vivendas tuteladas e de protección oficial ou calquera outro centro, que teña unha tipoloxía autorizada por Lei; na que primen a inserción socio - laboral das persoas con discapacidade conforme á lexislación vixente.
- h) A promoción de centros laborais, incluídos os centros especiais de emprego; participando, promovendo e creando iniciativas empresariais que primen a inserción laboral das persoas con discapacidade, en postos de traballo adaptados ás súas capacidades e en condicións de igualdade, de deberes e dereitos, cos demais traballadores, conforme á lexislación vixente en tódolos casos, priorizando:
  - a) Os Centros Especiais de Emprego dos que a titularidade maioritaria pertenza a unha asociación sen ánimo de lucro e os seus beneficios repercutan integramente nos propios

traballadores/as con discapacidade e/ou na labor social de dita asociación.

- b) Os Centros Especiais de Emprego que adopten a forma xurídica de Cooperativas ou Sociedades Laborais, sempre e cando os beneficios repercutan integramente nos propios traballadores/as do Centro ou nunha asociación sen ánimo de lucro pertencente ó Movemento Asociativo.
- i) Valerse de calquera outro medio lícito que sirva para a realización dos seus fins.

## **CAPITULO II**

### **DOS SOCIOS E SOCIAS**

#### **Artigo 9**

##### Socios/as

Vontade constitúese como unha entidade aberta da que poden formar parte, previa aprobación prevista nos presente Estatutos, tódalas persoas que o soliciten sempre que compartan os principios e fins de Vontade na defensa da plena integración das persoas con discapacidade.

#### **Artigo 10**

##### Tipos de Socios/as

Vontade terá as seguintes clases de socios/as:

- a) As persoas con discapacidade maiores de idade e con capacidade de obrar que non estean suxeitos a ningunha condición legal para o exercicio do dereito.
- b) As persoas con discapacidade menores de idade, non emancipadas, de máis de catorce anos, previo consentimento, documentalmente acreditado, dos seus/súas pais/nais ou titores/as.
- c) Os pais/nais, titores/as ou representantes legais en representación dos/as menores de idade ou incapaces.
- d) Persoas que coa súa traxectoria acrediten unha incidencia importante na consecución do benestar das persoas con discapacidade, tendo que vir avalado por dez socios/as de Vontade non podendo alcanzar un número superior a un 20 por cento da totalidade dos/as socios/as de dereito.

## **Artigo 11**

### **Socios/as de Honra e Colaboradores/as**

Vontade poderá ter Presidente/a de Honra.

Así mesmo, poderán ser nomeados/as socios/as de honra todas aquelas persoas físicas ou xurídicas que se distinguan pola súa actuación a favor dos fins de Vontade e do colectivo que representa.

Os/as socios/as de honra non estarán suxeitos/as ás obrigas establecidas nos presentes estatutos, nin serán titulares de dereitos agás a súa asistencia á Asemblea Xeral Ordinaria con voz pero sen voto

Os/as colaboradores/as serán todas aquelas persoas físicas ou xurídicas que desexen colaborar de maneira desinteresada con Vontade mediante a súa participación ou mediante achegas económicas. Os/as colaboradores/as non son titulares de obrigas nin dereitos.

## **Artigo 12**

### Ingresos e baixas

O ingreso en Vontade coma socio/a da mesma será voluntario. A baixa será voluntaria ou forzosa, por causa legal estatutaria. Toda causa de expulsión constará, debidamente acreditada, no correspondente expediente, que non poderá ser resolto sen a audiencia da parte interesada.

## **Artigo 13**

### Procedemento de admisión

O procedemento de admisión dos/as socios/as será:

- a) Procedemento de admisión será mediante solicitude escrita ou comunicación do interesado dirixida ó/a Presidente/a.
- b) Presentación da documentación esixida.

## **Artigo 14**

### Documentos de admisión

Documentación a presentar pola persoa:

- a) Copia DNI.
- b) Copia do Certificado de Minusvalía.
- c) Copia da resolución xudicial da designación de Titor/a legal.
- d) Autorización expresa de pais/nais ou titores/as.
- e) Por aval acreditativo de 10 socios/as da entidade.
- f) Copia do numero de conta para realizar a domiciliación bancaria.
- g) Autorización do socio/a para enviarlle as convocatorias por e-mail indicando a conta do correo electrónico onde quere recibir as notificacións

A Xunta directiva poderá solicita-la ampliación da documentación que considere necesaria.

## **Artigo 15**

### Número de socios/as

Non se establece un numero máximo de socios/as de Vontade.

## Artigo 16

### Deberes

- 1) Actuar de maneira acorde cos valores de Vontade e respecta-la dignidade e os dereitos das persoas con discapacidade.
- 2) Acata-los acordos validamente adoptados polos órganos de goberno e representación de Vontade.
- 3) Aportar toda a documentación requirida pola Xunta Directiva
- 4) Contribuír ó sostemento de Vontade, aportando os medios necesarios de acordo co establecido pola Asemblea Xeral ou a Xunta Directiva.
- 5) Manter absoluto segredo sobre os datos que coñecera como consecuencia da información adquirida en Vontade.
- 6) Cumpli-lo resto das obrigas que resulten das disposicións estatutarias.
- 7) Estar o corrente das cotas de socio, senón quedaran suspendidos dos seus dereitos hasta que estean o día.



## **Artigo 17**

### Dereitos

- A) A participar nas actividades da Asociación e nos órganos de goberno e representación, a exerce-lo dereito de voto, así como asistir á Asemblea Xeral, de acordo cos Estatutos.
- B) A ser informado/a acerca da composición dos órganos de goberno e representación da Asociación, do seu estado de contas e do desenvolvemento da súa actividade.
- C) Participar nos programas e iniciativas que sexan impulsados ou coordinados por, Vontade, nas condicións que establezan os seus órganos de goberno.
- D) Utiliza-los servizos de toda índole que se creen en Vontade.
- E) A acceder a toda a documentación da Asociación nos termos previstos na Lei Orgánica 15/1999 de protección de datos persoais
- F) A ser apoiados/as por Vontade nas iniciativas que se crean oportunas.
- G) A impugna-los acordos dos órganos da Asociación que estime contrarios á Lei ou ós Estatutos
- H) A ter copia destes estatutos
- I) A recibir información sobre os acordos adoptados polos órganos da Asociación.

J) A ser oído/a con carácter previo á adopción de medidas disciplinarias contra el/ela; a ser informado/a dos feitos que dean lugar a tales medidas. A posible sanción, en todo caso, deberá ser motivada.

## **Artigo 18**

### Réxime disciplinario

A proposta da Xunta Directiva, a Asemblea Xeral de Vontade establecerá un Réxime Disciplinario que regule o procedemento e as sancións que poidan impoñerse ós/as socios/as que vulneren os presentes Estatutos e as decisións dos órganos de goberno.

## **Artigo 19**

### Perda da Condición de socio/a

Poderá perderse a condición de Socio/a de Vontade por:

- a) Decisión Voluntaria, manifestada por escrito.
- b) Por causa ou disposición legal.
- c) Por expulsión, a causa de:
  - Incumprimento grave do previsto nos presentes Estatutos.
  - Reiterado incumprimento dos acordos adoptados polos Órganos de Goberno.

- Desenvolver unha actuación prexudicial e grave para os intereses de Vontade.
- Non poñer a disposición de Vontade a información ou documentación requirida polos Órganos de Goberno.
- Utilizar medios, para a obtención de fondos, que atenten contra a dignidade das persoas con discapacidade, ou non permitan o control da recadación, custos e destino dos beneficios obtidos.

A expulsión como socios/as de Vontade só poderá producirse previa audiencia do interesado e terá efectos definitivos a partir do momento no que se produza o acordo por parte da Asemblea Xeral levando aparellada a perda de tódolos dereitos derivados da condición de socio/a.

## CAPÍTULO III

### DOS ÓRGANOS DE GOBERNO

#### Artigo 20

##### Órganos de Goberno

Vontade rexérase polo sistema de autogoberno e o principio de representación, a través dos seguintes órganos:

- Asemblea Xeral
- Xunta Directiva

## **Artigo 21**

### Asemblea Xeral

A Asemblea Xeral é o máximo órgano de goberno de Vontade e estará integrada por:

- Os/as socios/as de Vontade con voz e voto.
- Tódalas persoas compoñentes da Xunta Directiva da Asociación . O/A Presidente/a e o/a Secretario/a da Xunta Directiva o serán da Asemblea Xeral.

## **Artigo 22**

### Delegación

A asistencia e participación na Asemblea Xeral son indelegables, agás que unha asemblea extraordinaria convocada ó efecto, estableza un réxime distinto.

## **Artigo 23**

### Participación na Asemblea

- Tódolos/as socios/as de Vontade terán dereito a voz e voto.
- Non poderán ser membros da Asemblea Xeral todas aquelas persoas que directamente, ou indirectamente mediante o seu cónxuxe ou relación análoga, parentes por consanguinidade ou afinidade ata o segundo grao inclusive, estean relacionadas con Centros Especiais de Emprego con Ánimo de Lucro ou calquera outra actividade profesional, empresarial ou industrial que puidese dar lugar a un conflito de intereses.

- Poderán asistir ás reunións da Asemblea, previo acordo da Xunta Directiva, con voz e sen voto, e a título de invitados/as, todas aquelas persoas que se considere poidan aportar xuízos ou informacións técnicas útiles e importantes para as decisións deste órgano.

## **Artigo 24**

### Funcións da Asemblea Xeral

Serán funcións da Asemblea Xeral:

1. Coñecer e aproba-los Plans de Actuación de Vontade.
2. Aproba-los orzamentos de ingresos e gastos, de cada exercicio, a conta de liquidación de tales orzamentos e a disposición de bens. Así mesmo, examinar e, no seu caso, aproba-lo balance de situación de cada exercicio.
3. Fixar, a proposta da Xunta Directiva, as cotas de calquera tipo que deban aboa-los diversos/as socios/as.
4. Examinar e, no seu caso, aproba-la Memoria que cada ano deberá presenta-la Xunta Directiva.
5. Establece-lo réxime disciplinario.

6. Adoptar resolución sobre os asuntos que figuren na Orden do Día ou que se susciten co apoio dos dous tercios dos votos presentes.
7. Aproba-la modificación de Estatutos.
8. Ratifica-la expulsión de socios/as de Vontade.
9. Ratifica-la composición da Xunta Directiva de acordo co previsto nestes Estatutos.
10. Dirimir toda diferenza ou discrepancia que xurda entre un ou máis socios/as e calquera órgano de Vontade , como igualmente as cuestións que xurdan sobre a interpretación destes Estatutos ou dos acordos adoptados polos distintos órganos de Vontade.
11. Autorizar o alleamento, gravame ou hipoteca de bens sociais.
12. Acorda-la disolución de Vontade.

## **Artigo 25**

### Clases de Asemblea e convocatoria

A Asemblea Xeral reunirase ordinariamente, durante o primeiro semestre de cada ano, e extraordinariamente sempre que o acorde a Xunta Directiva ou o soliciten un mínimo do 25 por cento dos/as socios/as de Vontade. Neste caso deberá convocarse no prazo máximo dun mes.

Na convocatoria constará, en todo caso, a orde do día acordada pola Xunta Directiva na que, no seu caso, deberán incluírse tódolos asuntos propostos polo 25 por cento dos/as socios/as que solicitaran a asemblea. A convocatoria comunicarase ós/as socios/as de Vontade cunha antelación mínima de quince días, por correo ordinario ou correo electrónico.

## **Artigo 26**

### **Acordos da Asemblea Xeral**

A Asemblea Xeral quedará validamente constituída, en primeira convocatoria, cando concorran na mesma a metade máis un dos seus/súas socios/as e, en segunda convocatoria, calquera que sexa o número de socios/as asistentes. Entre a primeira e segunda convocatoria deberán mediar, como mínimo, media hora.

Os acordos adoptaranse por maioría de votos. Os acordos relativos á disposición ou enaxenación de bens inmoables, modificación de estatutos e disolución de Vontade, requirirán a celebración de Asemblea Xeral Extraordinaria e os acordos, para ser válidos, deberán ter, polo menos, o voto favorable dos dous tercios dos votos asistentes.

De toda a Asemblea Xeral levantarase acta no libro correspondente e nela farase consta-lo número dos/as asistentes, os asuntos tratados e os acordos adoptados, indicando os votos a favor, en contra, abstencións e votos en branco e particulares. Para que os acordos sexan firmes e executivos, a acta deberá estar subscrita polo/a Secretario/a e o/a Presidente/a.

As certificacións de tales actas, así como os testemuños dos acordos nelas contidos expediranse, cando proceda, coa firma do/a Secretario/a e o visto bo do/a Presidente/a.

## **Artigo 27**

### Xunta Directiva

A Xunta Directiva é o órgano de administración, xestión e representación de Vontade.

A Xunta Directiva estará composta polos seguintes membros:

- Presidente/a
- Vicepresidente/a
- Secretario/a
- Tesoureiro/a
- Vocais, en número en que en cada caso aprobe a asemblea. Nunca inferior a catro.

- Para ser membro da Xunta Directiva é requisito indispensable a acreditación da súa condición de socio/a. Así mesmo deberán cumpri-los requisitos esixidos para ser membro da Asemblea Xeral.
- Os cargos da Xunta Directiva pola súa condición de representantes da asociación Vontade non poderán ostentar ningún outro cargo representativo a nivel político ou sindical.



- Os cargos da Xunta Directiva serán gratuítos, sen prexuízo do dereito a ser indemnizados polos gastos que lles ocasione o cumprimento das súas funcións, previa aprobación dos mesmos e xustificación documental.
- Non obstante, o disposto no parágrafo anterior, as persoas membro poderán recibir unha retribución adecuada pola realización de servizos diferentes ás funcións que lle correspondan como persoas membro dos órganos de goberno. As condicións laborais e salariais deberán ser postas en coñecemento e aprobadas pola Xunta Directiva.
- No caso de prestar servizos para a entidade persoas con relación de parentesco por consanguinidade ou afinidade, ata o terceiro grao, das persoas membro dos órganos de goberno, a súa contratación e as súas condicións laborais e salariais deberán ser postas en coñecemento e aprobadas pola Xunta Directiva.
- Tódolos membros da Xunta Directiva terán voz e voto neste órgano, non podendo exercer votos delegados. En caso de empate nas votacións, o/a Presidente/a poderá exercer un voto de calidade.

## **Artigo 28**

### Duración da Xunta Directiva

- Os compoñentes da Xunta Directiva serán elixidos por un período de catro anos.

- Se se produce a metade máis un de baixas na Xunta Directiva, esta deberá convocar inmediatamente Asemblea Xeral Extraordinaria para proceder a cubri-las vacantes producidas.
- Mentres o número de baixas sexa inferior a metade máis un, os membros cesantes, serán reemprazados na primeira Asemblea Xeral Ordinaria ou Extraordinaria, mentres tanto as vacantes poderán ser cubertas provisionalmente por designación da Xunta Directiva.

## **Artigo 29**

### Elección da Xunta Directiva

A elección e nomeamento da Xunta Directiva realizarase en Asemblea Xeral Extraordinaria convocada ó efecto:

- Composición das candidaturas:
  - Estarán constituídas alomenos nun 75 por cento por persoas con discapacidade ou representantes legais.
  - Deberan ir presididas necesariamente, por unha persoa con discapacidade ou representante legal.
- As candidaturas serán presentadas en listas pechadas e elixidas por maioría absoluta. No caso de presentarse máis dunha candidatura, será elixida a máis votada.

- As votacións serán a man alzada, a non ser coa maioría dos asistentes da Asemblea solicite o voto segredo.
- Os cargos da Xunta Directiva serán nomeados e ratificados na mesma Asemblea.

### **Artigo 30**

#### Funcións da Xunta Directiva

Corresponde á Xunta Directiva:

- 1) Executa-la política de Vontade e os acordos adoptados na Asemblea Xeral.
- 2) Administra-lo patrimonio de Vontade.
- 3) Decidir sobre a realización de programas que vaian a ser executados ou coordinados dende Vontade.
- 4) Admitir os/as socios/as que soliciten a admisión en Vontade acorda-la suspensión temporal dos dereitos dun/dunha socio/a.
- 5) Determina-la orde do día da Asemblea Xeral.
- 6) Cubrir, con carácter provisional, as vacantes que se produzan na Xunta Directiva.

- 7) Nomear presidente/a e socios/as de honra, así como admiti-los colaboradores/as.
- 8) Facultar, por medio de poderes ás persoas que estime axeitado.
- 9) Preparar cantos documentos deban ser aprobados pola Asemblea Xeral.
- 10) Plantexar ou decidir sobre calquera asunto de competencia e interese de Vontade e que non estea reservado legal ou estatutariamente á Asemblea Xeral.
- 11) En xeral, todas aquelas actividades ou acordos que redunden no beneficio de Vontade dos que deberá dar conta á Asemblea.
- 12) Resolver, na arbitrase de equidade ou por mediación, as controversias que poidan existir entre os/as socios/as de Vontade. Esta actuación poderá ser efectuada por sí ou por delegación, designando unha comisión a tal efecto, que poderá estar integrada por persoas que non formen parte da Xunta Directiva.
- 13) Interpreta-los presentes Estatutos.

### **Artigo 31**

#### Funcionamento da Xunta Directiva

A Xunta Directiva reunirse, alomenos, unha vez cada trimestre ou cando o decida o seu/súa Presidente/a por si ou a petición do vinte por cento dos seus/súas compoñentes.

O cargo de directivo/a osténtase a título persoal, polo que, cando non sexa posible a asistencia, só poderá delegarse a representación noutro/noutra membro da Xunta Directiva no caso da asistencia a actos da entidade.

A convocatoria das sesións, que comprenderá en todo caso a orde do día correspondente, será feita polo Presidente da Xunta Directiva ou persoa en quen delegue, coa antelación mínima de sete días salvo caso de especial urxencia. A composición da orde do día das sesións corresponderá ó/a Presidente/a, a proposta do/a Secretario/a, quen terá en conta, no seu caso, as peticións dos demais membros.

Cando o estime oportuno a Xunta Directiva ou o/a Presidente/a, poderán acudir á reunión da mesma persoas non pertencentes a ela con carácter de asesores.

## **Artigo 32**

### Comisión Permanente

Poderá crearse unha comisión permanente que terá a misión de exercer cotidianamente e de maneira máis áxil o goberno de Vontade. A composición da mesma será establecida por acordo da Xunta Directiva.

## **Artigo 33**

### Comisión de Ética

Crearase unha Comisión de Ética composta por persoas pertencentes ou non a Vontade, asignadas por la Xunta Directiva.

Terá como finalidade a de velar porque as actuacións, tanto de Vontade , como as dos seus/súas socios/as a título individual sexan éticas, non irregulares e lícitas (eliminación de prácticas comisionistas, dobres financiamentos ou financiamentos irregulares, etc). Esta comisión non terá carácter executivo.

## **Artigo 34**

### Presidente/a

Son funcións do/a Presidente/a:

1. Representar oficialmente a Vontade.
2. Convocar e presidi-las reunións da Asemblea Xeral e da Xunta Directiva.
3. Nomear a calquera persoa como Asesor, que serán ratificados pola Xunta Directiva, e de asignarlle as tarefas axeitadas e coa obriga de informar á Xunta Directiva, das recomendacións e informes deses/as asesores/as. As resolucións de calquera asesor/a non son vinculantes en ningún caso.

4. Permitir ou non, a presenza de invitados/as nas reunións da Xunta Directiva e nas Asembleas Xerais, tanto Ordinarias como Extraordinarias.
5. Ordena-los pagos con cargo ós fondos de Vontade . Leva a sinatura social conxuntamente co/ca Secretario/a ou o/a Tesoureiro/a.
6. A retirada dos fondos de Vontade depositados en entidades bancarias para o que precisará a sinatura do/a Secretario/a ou do/a Tesoureiro/a.
7. Autorizar coa súa firma as actas das reunións da Asemblea Xeral e a Xunta Directiva.
8. Velar pola execución dos acordos adoptados na Asemblea Xeral e na Xunta Directiva.
9. Subscribir contratos en nome de Vontade, outorgar poderes a terceiros, exercitar accións e opor excepcións diante dos órganos da xurisdición ordinaria e especial, aceptar doazóns, legados e herdanzas, aceptar endosos, recibir subvencións e realizar calquera outro acto equivalente de interese ós fins de Vontade.
10. Coidar do debido cumprimento dos Estatutos, dos fins e principios de Vontade.
11. Calquera outro de interese para a execución dos Estatutos.

## **Artigo 35**

Vicepresidente/a

O/A Vicepresidente/a substituirá temporalmente ó/a Presidente/a nos casos de ausencia ou enfermidade.

Así mesmo poderá asumir todas aquelas funcións do/a Presidente/a que este/a delegue expresamente nel/a.

No caso de substitución definitiva, esta será ós efectos tan só de convocatoria de novas eleccións; establecida para un período de tres meses.

## **Artigo 36**

Secretario/a

As funcións do/a Secretario/a son:

- Custodia-los libros, documentos e selo de Vontade, excepto os libros de contabilidade.
- Leva-lo Libro de Rexistro de Socios/a.
- Redacta-las actas das Asembleas Xerais e da Xunta Directiva.
- Librar certificacións con referencia ós Libros e documentos de Vontade co visto e prace do/a Presidente/a.



- Constituír e retirar os depósitos, abrir contas e retirar os fondos, sendo necesaria a sinatura do/a Presidente/a.
- Preparar os puntos que teñen que tratarse nas Asembleas Xerais, enviaranse as Actas e a Orde do Día con quince días de antelación como mínimo.
- Responsabilizarse, xunto co/a Presidente/a, do debido cumprimento dos Estatutos e dos fins e principios de Vontade.
- A organización dos servizos técnicos de Vontade
- Impulso e control do funcionamento de Vontade.
- A representación xurídica diante de todo tipo de instancias públicas e privadas, e de carácter administrativo e xudicial, por delegación do/a Presidente/a.
- Responsabilizarse de arquivos, ficheiros, así como do bo funcionamento das tarefas administrativas, en xeral, de Vontade.

### **Artigo 37**

Tesoureiro/a

As funcións do/a Tesoureiro/a son:

1. Custodiar e levar libros de Contabilidade.
2. Comunicar inmediatamente á Xunta Directiva o incumprimento ou irregularidades que se poidan producir nos cobros, pagamentos e, en xeral, na xestión económica de Vontade.
3. Custodiar los fondos de Vontade, respondendo das cantidades das que se fixera cargo, conservando na caixa os fondos que a Xunta Directiva estime necesarios para o normal desenvolvemento de Vontade. Para dispoñer dos fondos de Vontade, necesitará da sinatura do/a Presidente/a.
4. Farase cargo das cantidades que se ingresen en Vontade, arquivando os libramentos que se fagan efectivos cos seus xustificantes.
5. Constituír e retirar los depósitos, abrir contas e retirar los fondos, sendo necesario a sinatura do/a Presidente/a.
6. Elaborará os presupostos anuais e fará previsións de futuro.
7. Cobrará as cotas dos socios/a mediante transferencia bancaria
8. Solicitará as subvencións oficiais, públicas ou non, que se acorden periodicamente.

## Artigo 38

### Vocais

As funcións do/as s vocais son:

1. Asistir ás reunións da Xunta Directiva.
2. Ostenta-la representación da Xunta Directiva nas comisións que se poidan formar para cumprir-los fins que marcan os Estatutos.
3. Todas aquelas funcións que lle sexan delegadas pola Xunta Directiva.

## CAPÍTULO IV

### DA IMPUGNACIÓN DOS ACORDOS SOCIAIS

## Artigo 39

### Impugnacións

1. As impugnacións que se formulen respecto das convocatorias, tanto da Asemblea Xeral como da Xunta Directiva de Vontade, poderán realizarse con carácter previo a estas cando se trate de cuestións relacionadas coa propia convocatoria ou coa competencia dos asuntos propostos na orde do día e, salvo que o/a Presidente/a estime a existencia de erros ou vicios que poidan motiva-la anulación da convocatoria, deberán ser resoltas ó comezo da reunión.

2. Os acordos da Xunta Directiva poderán ser impugnados diante da mesma no prazo máximo de quince días dende que tiveran coñecemento de dito acordo os ausentes na reunión. Aqueles que estiveran presentes disporán do mesmo prazo sempre e cando salvaran expresamente o seu voto.
3. Sen prexuízo das impugnacións, os acordos da Asemblea Xeral e da Xunta Directiva son executivos salvo que ditos órganos acorden a súa suspensión.

## Artigo 40

### Recursos

1. Os acordos adoptados na Xunta Directiva resolvendo impugnacións poderán ser recorribles diante da Asemblea Xeral no prazo de quince días.
2. A impugnación dos acordos da Asemblea Xeral, incluídos os que resolvan impugnacións de acordos da Xunta Directiva substanciaránse diante dos tribunais da xurisdición ordinaria na forma e prazos que a Lei determina.

## CAPÍTULO V

### DO RÉXIME ECONÓMICO E FINANCEIRO

## Artigo 41

### Recursos económicos

Para atender ós seus fins, Vontade contará cos recursos seguintes:

1. As cotas que satisfagan os socios, se se establecen.
2. As subvencións, doazóns, donativos, legados e herdanzas que se fagan a favor da mesma.
3. Os bens propios, mobles e inmobles.
4. O rendemento do seu patrimonio
5. Calquera outra achega que obteña para ser destinada ó cumprimento dos seus fins
6. O capital fundacional de Vontade é nulo, e o presuposto anual non será menor de tres mil euros (3.000 €).

## **Artigo 42**

### Cotas

As cotas serán das seguintes clases:

Ordinaria; que será satisfeita mediante domiciliación bancaria e se pasaran en dous pagos nos meses de Xullo e Decembro. Esta cota será fixada pola xunta directiva.

As cotas se pagaran sempre por adiantado para poder desfrutar das instalacións e dos servizos cando a integración na Asociación séa nun período diferente os cobros.

## **Artigo 43**

### Pago de cotas

As cotas se pagaran sempre por adiantado para poder desfrutar das instalacións e dos servizos cando a integración na Asociación séa nun período diferente os cobros. Os socios quedaran suspendidos dos seus dereitos mentres non teñan as cotas o día. eliminar

A Xunta Directiva poderá acordar medidas disciplinarias para os/as socios/as que, nos prazos previstos no artigo 42, e sen causa xustificada non aboaran as cotas.

## **Artigo 44**

### Orzamento

Vontade funcionará en réxime de orzamento anual. O borrador de orzamento será elaborado polo/a Tesoureiro/a, que deberá telo preparado antes do un de xaneiro de cada ano, a fin de que poida ser aprobado na Asemblea Xeral Ordinaria. O exercicio económico coincidirá co ano natural.

Anualmente con referencia ó último día do exercicio económico de cada ano, elaboraranse as contas, que se formalizarán nunha memoria, que será posta a disposición dos/as socios/as, durante un prazo non inferior a 15 días ó sinalado para a celebración da Asemblea Xeral ordinaria, que deberá aprobalo ou censuralo.

## CAPÍTULO VI

### DA MODIFICACIÓN DE ESTATUTOS

#### Artigo 45

##### Procedemento de modificación

Os Estatutos de Vontade só poderán ser modificados previo acordo da Asemblea Xeral, convocada con carácter Extraordinario, por decisión da Xunta directiva ou a proposta da maioría dos/as socios/as, mediante escrito razoado dirixido á Xunta Directiva

O acordo da Asemblea Xeral Extraordinaria deberá ser adoptado por maioría dos dous tercios dos/as socios/as presentes e representados/as.

## CAPITULO VII

### DA DISOLUCIÓN E LIQUIDACIÓN

#### Artigo 46

##### Disolución

Vontade poderá disolverse por unha das seguintes causas

- a) Polas causas determinadas no artigo 39 do Código Civil.
- b) Por sentenza xudicial firme.

- c) Por vontade dos dous tercios dos/as socios/as manifestada na Asemblea Xeral Extraordinaria convocada ó efecto.

### **Artigo 47**

#### Comisión liquidadora

Acordada a disolución de pola Asemblea Xeral ou decidida, no seu caso, pola autoridade xudicial, a Xunta Directiva, constituída en Comisión Liquidadora, procederá á liquidación do patrimonio de Vontade.

A Xunta Directiva poderá delega-la súa función en tres ou máis comisarios/as elixidos/as pola mesma entre os/as socios/as.

### **Artigo 48**

#### Asemblea Xeral no período de liquidación

Durante o período de liquidación, a Asemblea Xeral conservará a plenitude de poderes e facultades que tiña con anterioridade ó acordo de disolución



## Artigo 49

### Destino dos bens resultantes

No caso de disolución definitiva, liquidadas tódalas obrigas pendentes que sexan de Vontade, o sobrante de fondos que resultase pasarán a formar parte do patrimonio da Confederación Galega de Persoas con Discapacidade (CoGaMi) que poderá ceder en uso a aquelas entidades sen ánimo de lucro de persoas con discapacidade do País Galego que defendan os principios fundamentais destes Estatutos.

Vº Bº.: Presidente

Asdo.: Secretaria

Asdo.: Tesoureiro

Miguel Pazo Paramos

DNI: 35.557.699-K

Mª Mónica Rodríguez

Rguez

DNI: 35.569.908-V

Santos Pérez Pereira

DNI: 35.551.541-G